

СУРХОНДАРЁ ВИЛОЯТИ ОФТАЛЬМОЛОГИЯ ХИЗМАТИНИНГ ТАРИХИ

Мухамадиев Р. О.

Тиббиёт фанлари доктори, Офтальмология кафедраси профессори, Тошкент тиббиёт Академиясининг Термиз филиали

Аннотация. Долзарблиги. "Миллий тарихимизни миллий руҳ билан яратиш керак. Акс ҳолда унинг тарбиявий таъсири бўлмайди. Биз ёшларимизни тарихдан сабоқ олиш, хулоса чиқаришга ўргатишимиз, уларни тарих илми, тарихий тафаккур билан қуроллантиришимиз зарур", - Шавкат Миромонович Мирзиёев. Бугунги кун офтальмологияси тарққиёти учун бундан 70 йил олдин фидокорона хизматлари эвазига ўтган асрнинг 50 йилларида трахома касаллиги минглаб кишиларнинг кўр бўлиб қолишига сабаб бўлганида биринчи фидойи ўтган авлодларимиз хотираси учун ва келажак авлоднинг янада юксак марраларга эришиши учун ушбу мақолани яратиш вазифа қилиб қўйилди. **Материал ва услублар.** Тарихий манбалар. **Натижалар.** "Тарихга назар — бу келажакнинг мевасидир", — деган доноларимиз. Сурхондарё вилояти офтальмология шифохонаси 1953 йилда алоҳида трахома диспансери бўлиб 1 вилоят шифохонасидан ажралиб чиққан ва биринчи бош шифокор этиб Залибина П. В. тайинланган. Бу маскан бугунги кунда нафақат даволаш маркази, балки Тошкент тиббиёт академиясининг Термез филиали талабалари учун ўқув марказига ҳам айлантирилганлиги диққатга сазовордир. 2020 йили Тошкент тиббиёт академиясининг Термез филиалида Офтальмология кафедраси ташкил этилди ва Мухамадиев Р. О. томонидан тиббиёт олий таълим муассасалари бакалаврлари учун ўзбек, рус ва инглиз тилларида Офтальмология фанидан дарслик яратилди ва чоп этилди.

Калитли сўзлар. Сурхон, трахома, микрохирургия, офтальмология.

Иктибос учун:

Мухамадиев Р. О. Сурхондарё вилояти офтальмология хизматининг тарихи. Илгор офтальмология. 2023; 3(3):197-201

ИСТОРИЯ ОФТАЛЬМОЛОГИЧЕСКОЙ СЛУЖБЫ СУРХАНДАРЬИНСКОЙ ОБЛАСТИ

Мухамадиев Р. О.

Доктор медицинских наук, профессор кафедры Офтальмологии, Термезский филиал Ташкентской медицинской академии.

Аннотация. Актуальность. "Необходимо создавать нашу национальную историю в национальном духе. В противном случае это не будет иметь воспитательного эффекта. Нам нужно приучать нашу молодежь извлекать уроки из истории, делать выводы, вооружать их исторической наукой, историческим мышлением", — Шавкат Миромонович Мирзиёев. Для прогресса сегодняшней офтальмологии было решено создать эту статью, в память о наших первых самоотверженных поколениях. В 50-х годах прошлого века благодаря их бескорыстному служению, 70 лет назад, когда трахома стала причиной слепоты тысяч людей, и для будущего поколения для достижения более высоких целей. **Материалы и методы.** Исторические источники. **Результаты.** Наши мудрецы считают, что взгляд на историю — это плод этого будущего. В 1953 году из Сурхандарьинской областной офтальмологической больницы был выделен трахомный диспансер, как 1-я областная больница и первым главным врачом была назначена Залибина П. В. Примечательно, что эта резиденция сегодня стала не только лечебным центром, но и учебным центром для студентов Термезского филиала Ташкентской медицинской академии. В 2020 году в Термезском филиале Ташкентской медицинской академии была создана кафедра Офтальмологии возглавляемая Р. О. Мухамадиевым. Для бакалавров направлений медицинских образований был создан и издан учебник по предмету Офтальмология на узбекском, русском и английском языках.

Ключевые слова. Сурхандарья, трахома, микрохирургия, офтальмология.

HISTORY OF THE OPHTHALMOLOGICAL SERVICE OF SURKHANDARYA REGION

Mukhamadiev R. O.

Doctor of Medical Sciences, Professor of the Department of Ophthalmology, Termez branch of the Tashkent Medical Academy

Annotation. Relevance. "It is necessary to create our national history in the national spirit. Otherwise, it will not have an educational effect. We need to teach our youth to learn lessons from history, draw conclusions, arm them with historical science, historical thinking," Shavkat Mirziyoyev said. To spread ophthalmology today, I set myself the task of creating this article 70 years ago, in exchange for selfless services, when trachoma disease in the 50s of the last century led to the blindness of thousands of birnches dedicated to the memory of our past generations and to the future generation to achieve even more. higher heights. **Material and methods of research.** Our sages believe that a look at history is the fruit of this future

Surkhandarya Regional Ophthalmological Hospital was established in 1953 as a trachomic dispensary in Aloxida, separated from the 1st regional hospital and appointed the first chief physician of Zalibina P. V. appointed. **Results.** It is noteworthy that today this residence has become not only a medical center, but also a training center for students of the Termez branch of the Tashkent Medical Academy. In 2020, the Department of Ophthalmology headed by R. O. Mukhamadiev was established in the Termez branch of the Tashkent Medical Academy. The University has published a textbook on ophthalmology for bachelors of medicine in Uzbek, Russian and English.

Key words: Surkhan, trachoma, microsurgery, ophthalmology.

Долзарблиги. “Миллий тарихимизни миллий руҳ билан яратиш керак. Акс ҳолда унинг тарбиявий таъсири бўлмайди. Биз ёшларимизни тарихдан сабоқ олиш, хулоса чиқаришга ўргатишимиз, уларни тарих илми, тарихий тафаккур билан қуроллантиришимиз зарур”, – Шавкат Миромонович Мирзиёев.

Мақсад ва вазифа. Бугунги кун офталмологияси тарққиёти учун бундан 70 йил олдин фидокорона хизматлари эвазига ўтган асрнинг 50 йилларида трахома касаллиги минглаб кишиларнинг кўр бўлиб қолишига сабаб бўлиганида биринчи фидойи ўтган авлодларимиз хотираси учун ва келажак авлоднинг янада юксак марраларга эришиши учун ушбу мақола яратиш вазифа қилиб қўйилди.

Тахлил. Тарихга назар – бу келажакнинг мевасидир деган доноларимиз. Сурхондарё вилояти офталмология шифохонаси 1953 йилда алохида трахома диспансери бўлиб 1 вилоят шифохонасидан ажралиб чиққан ва биринчи бош шифокор этиб Залибина П. В. тайинланган. Озроқ ўтмишга назар ташлайдиган бўлсак, трахома касаллигининг азобларини бугунги авлод дуруст тасаввур қила олмайди. Аммо ўтган асрнинг 50–60 йилларда яшаган ота-боболаримиз, бу касалликнинг номини эшитсалар ҳам оғир хўрсиниб кўйишади. Сабаби, ўша йиллари трахома Сурхондарё вилоятда ниҳоятда кенг тарзда тарқалган, уни даволовчи на бирор маҳаллий мутахассис, на бу юқумли касалликга чалинган кишиларни ётқизадиган бирор шифохона бор эди. Танг ахвол тақозоси билан чор Россияси зобитлари отбоқарлари учун қурилган уйнинг учтасининг оралари бирлаштирилиб, 1953 йилда трахома касалигини даволайдиган 150 ўринли касалхона очилди.

Бундай зўраки шифохоналар вилоятимизнинг барча туманларида (Сариосиёда 40, Деновда

60, Шўрчи, Жарқўрғонда 60 ўрин, Ангорда 40 ва Шерободда 60 ўринли) шифохоналар ҳам ташкил этилди. Вилоят трахома диспансери аталмиш бу масканда Дина Зиновьевна Каем, Александра Васильевна Балганова, Иван Матвеевич Бутко каби шифокорлар ўша йиллари қилган меҳнатлари билан одамлар қалбида чуқур ўрин олиб кетдилар. 9–10 йиллик узлуксиз олишувдан сўнг хасталик чекинди ва 1960 йилда Сурхондарё вилоятда трахома касаллиги бутунлай тугатилди. 150 ўринли вилоят трахома шифохонаси бўшаб қолди. Кейин унда-мунда чиқиб турадиган кўз хасталиклари учун 30 ўринли офталмология шифохонаси ташкил этилди ва унга Иван Матвеевич Бутко бош шифокорлик қилди. 1967 йилдан бошлаб вилоят кўз касалликлари шифохонасига бош ҳакимлик қилган Р.Н.Нарзиев Тошкентда амалга ошириладиган кўп операцияларни ўз зиммасига олиб, вилоятнинг ўзида қила бошлади. Фақат Термез шаҳрида эмас, барча туманларга юриб, туман касалхоналарида жаррохлик қилди. Бу катта ватанпарварлик, фидойилик эди! Р.Н.Нарзиев бор-йўғи 5 йилга яқин шифохонамизга раҳбарлик қилди. Бахтсиз автохалоқат уни орамиздан бевақт олиб кетди. Аммо у ўша 5 йил ичида баъзи кимсалар бир умр яшаб ишлаб қила олмайдигон ибратли ишларни қилиб кетди.

Айтиш мумкинки, Р.Н.Нарзиев вилоятимизда кўз касалликларини муваффақиятли даволашда ўзига хос йўл яратди, вилоят офталмологларига етакчилик қилиб, кўз касалликларини даволаган ҳакимлар Л.Х.Хаитов, М.Х.Хошимовлар ҳам хастадиладил, хастагавхарлар билан ишлаш билан биргаликда, шифокорлар учун даволашга беморлар учун даволанишга ҳеч булмаса, энг оддий шароитлар яратиш учун илғор тиббиёт ускуналарини олиб келиш учун кўп ҳаракат қилишган. 1975 йилда Муҳаббат Хайдаровна Хошимова ёнидан 40 ўринли янги бўлим,





операция хонаси билан қуриб, ишга туширди. Иситиш тармоқлари газлаштирилди. 1984 йилда янги қабулхона, стерилизация бўлими ишга туширилди. Булар ўша даврда раҳбарлик қилган кишиларнинг ҳам уйқусиз тунлари-ю, беҳаловат кунлари эвазига қурилганлиги ҳаммага ҳам маълум эмас. Аммо 40 ўринли шифохона экология кундан кунга катта муаммога айланаётган бир вазиятда бир миллиондан ошиқ аҳоли яшайдигон вилоят маркази учун дарёга томчи сувдек бир гап эди. Шунга қарамасдан, шифокорларимиз ўз халоватларидан кечиб бўлсада, ўша 40 ўринли шифохонада хамиша 100–120 нафар беморни қабул қилиб, даволаб, жасорат билан меҳнат қилишди. Ўз устиларида ишлашди, изланишди, кўз хасталикларини енгишда янги қутбларни забт эта боришди. Тошкент ёки Самарқанддан малакали мутахассислар чақириб қилинадиган кўплаб операциялар ана шу шароити оғир шифохонада маҳаллий мутахассислар томонидан амалга ошириладигон бўлди.

1975 йили Мухаммадиев Р. О. Москва ва Самарқанд клиникаларида ординатура, аспирантура даврида орттирган тажрибаси орқали ёш болаларда учрайдиган катаракта, глаукома, кўз ғилайлиги, кўз ёш йўлларининг туғма берклигини бартараф қилиш, хиралашган кўз гавхарини қорачиқни кесмасдан чиқариб олиш операцияларни амалга ошира бошлади. Беморлар учун операция қилишда фақат кесиш учун скалпел ўрнига лезвияни синдириб кесишни жорий қилди. Операция столи устида тик туриб операция қилиш қийинлигини ҳисобга олиб, ўтириб операция қилишни ташкиллаштирди. 1977

йили ҳали жумҳурият учун катта янгилик бўлган микроскоп остида кўз операциялари қилиш жорий этилди. 1979 йилдан бошлаб жуда мураккаб ва ўта нозик ҳисобланган, ўша пайтларда фақат Одесса ва Москва шаҳарлари махсус клиникаларида амалга ошириладиган, кератопластика операциялари жорий этилди. 1988 йилда норентабел тумандаги барча 40 ва 60 ўринли офталмология бўлимлари қисқартирилиб фақат Термезда ва Деновда 140 офталмологик ўринлар қолдирилди ва улар замонавий аппаратуралар ва микрохирургик асбоб усқуналар билан жиҳозланди.

1990 йилда Японидан 100000 АҚШ долларига энг замонавий компьютерли визометр, оптометр, тонометр, биомикроскоп, корнеометр ва операция микроскоплари харид қилинди.

2002 йилда шу шифохонада дунёда биринчи марта мурда тўқимаси ўрнига кўз касалликларини даволаш учун қўйнинг юраги пардасидан ксенотрансплантат яратилди.

1993 йилдан бошлаб сассиқ шифохона аталмиш кулбадан холи бўлди. 160 ўринли замонавий кўз касалликлари клиникаси қурилиб ишга туширилди.

2006 йилда Англияда ўтказиладиган конкурсда Мухаммадиев Р. О. дунёнинг энг яхши шифокори танлови ғолиби бўлди ва олтин медал билан мукофотланди.

Валиев Тошпўлат Чориевич 2008–2014 йилларда вилоят офталмология шифохонасида бош врач лавозимида ишлаган ва бу даврда кератопротезлаш сингари ўта мураккаб операцияни ҳам амалга оширди. Халкимиз соғлиги йулидаги самарали меҳнатлари учун 1997 йил



«Ўзбекистонда хизмат кўрсатган соғлиқни сақлаш ходими» унвони билан тақдирланди.

Сайдалиев Ўктам Тошбоевич 2016 йилда вилоят офталмология шифохонаси бош

шифокори бўлиб ишлади ва замонавий операция микроскоплари билан шифохона нуфузини мустахкамлади.

Абдиназаров Дилшод Абдинабиевич 2017

йилда вилоят офталмология шифохонаси бош шифокори ловозимида фаолият юритди ва факоэмульсификация операцияларини жорий қилди.

Махмудов Нарзикул Ходжаназарович 2018 йилда Сурхондарё вилоят офталмология шифохонаси бош шифокори бўлиб ишлаган пайтда 526 минг долларлик замонавий асбоб ускуналар харид қилиб шифохонани Республика ихтисослаштирилган кўз микрохирургия илмий–амалий тиббиёт маркази Термез филиалига айлантирди.

Хотима. Ўтган асрнинг ўрталарида ташкиллаштирилган Сурхон офталмологиясининг тизимли ривожини 1960 йилларда вилоятда трахоманинг бутунлай тугатилиши билан яқунланди. 1960 ва 1970 йилларда глаукома, катаракта, туғма кўз касалликларини даволашни маҳаллий офталмологлар ҳам вилоятда малакали амалга оширадиган бўлишдилар. 1970–1980 йилларда кўз микрохирургиясига асос солинди. 1980–2000 йилларда малакали офталмологлар хизматлари эвазига интраокуляр линза ва глаукоманинг замонавий операцияларини ҳам бежирим бажарадиган даражаларга эришилди. Кўп сонли ўринлар қисқартирилиб, кам сонли ўринлар билан

ҳам малакали сифатли амалиётларни амалга оширадиган бўлишдилар. 2000 йилларда илмий салоҳиятга катта эътибор берилиб, вилоятда 20 дан ортиқ офталмологик ихтиролар қилинди. 2017 йилдан бошлаб вилоятда офталмология хизмати жаҳон стандартлари қаторига чиқарилди. Эндиги кунда беморлар оптик когерент томография, ультратовуш, аргон ва яшил лазер аппаратлари билан ва бошқа қатор диагностик аппаратлар билан бойитилиб, вилоятда офталмология хизмати жаҳон стандартлари қаторига чиқарилди. Бу қисқа даврда беморларга диагностика ва даволаш ҳамда операция жараёнлари ҳозирги замон талаблари даражасига кўтарилиб 80% беморлар стационарда ётиб эмас, амбулатор ҳолатда даволаниб чиқиб кетадиган бўлишди. Бу маскан, бугунги кунда, нафақат даволаш маркази, балки Тошкент тиббиёт академиясининг Термез филиали талабалари учун ўқув марказига ҳам айлантирилганлиги диққатга сазовордир. 2020 йилда Тошкент тиббиёт академиясининг Термез филиалида Офталмология кафедраси ташкил этилди ва Мухаммадиев Р.О. томонидан тиббиёт таълим муассасалари бакалаврлари учун ўзбек, рус ва инглиз тилларида Офталмология фанидан дарслик чоп этилди.

АДАБИЁТЛАР

1. Мухаммадиев Р.О. Сурхон тиббиётининг 100 йиллик тарихи. Термез. 2022 й.